



Broj: UP09-07-1-1587/19
Sarajevo, 19.09.2019. godine

Ministarstvo pravde Bosne i Hercegovine, rješavajući Zahtjev UDRUŽENJA BOSANSKI KULTURNI CENTAR U PRIJEDORU u predmetu upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", br. 68/18), d o n o s i

R J E Š E N J E

1. U Registar udruženja kod Ministarstva pravde Bosne i Hercegovine pod **registarskim brojem 2339** Knjiga I Registra, dana 19.09.2019. godine, upisuje se udruženje pod nazivom:
 - a) UDRUŽENJE BOSANSKI KULTURNI CENTAR U PRIJEDORU
УДРУЖЕЊЕ БОСАНСКИ КУЛТУРНИ ЦЕНТАР У ПРИЈЕДОРУ
UDRUGA BOSANSKI KULTURNI CENTAR U PRIJEDORU
 - b) Skraćeni naziv Udruženja glasi: UBKC u Prijedoru, УБКЦ у Приједору, UBKC u Prijedoru.
2. Adresa sjedište udruženja je: Prijedor, Ulica Vuka Karadžića broj 1.
3. Udruženje ima svoj znak.
Znak udruženja je je crno-bijele boje, koji predstavlja pravougaonik na bijeloj podlozi sa stilizovanim crtežima u crnoj boji dvije rijeke – Sane i Une i dvije planine – Kozare i Grmeča.
4. Ciljevi i djelatnosti udruženja su: rad na očuvanju, promociji i razvoju materijalne i nematerijalne kulture, uključujući, ali ne ograničavajući se na sljedeće oblike: muzika i muzičko-scenske umjetnosti; dramske i filmske umjetnosti; audio vizualne djelatnosti; knjiga i izdavaštvo; bibliotečka djelatnost; arhivska djelatnost muzejska djelatnost; slikarske i vizualne umjetnosti; inovativne umjetničke i kulturne prakse, digitalizacija kulturne baštine; izdavanje časopisa, zbornika, knjiga i drugih stručnih i naučnih publikacija, u svrhu ostvarivanja ciljeva i djelatnosti Udruženja, u skladu sa Zakonom; pružanje pomoći članovima Udruženja u obavljanju stručnih i naučnih radova i u stručnom i naučnom usavršavanju; organizovanje i podrška naučno-istraživačkog i stručnog rada na teme značajne za ciljeve i djelatnosti Udruženja; organizovanje predavanja, seminara i savjetovanja; učestvovanje na savjetovanjima i seminarima drugih srodnih udruženja u zemlji; iniciranje izmjene zakona i drugih propisa radi unapređenja kulture i kulturne djelatnosti u Bosni i Hercegovini; ostvarivanje saradnje s odgovarajućim institucijama, udruženjima i fondacijama u Bosni i Hercegovini i svijetu; stipendiranje učenika i studenata iz Bosne i Hercegovine i naših sunarodnika iz dijaspore na školama i univerzitetima u Bosni i Hercegovini i

inostranstvu; podrška organizovanju cjeloživotnog učenja i obrazovanja odraslih i podrška organizovanju obrazovanja za zaštitu i promociju historijsko-kulturne baštine.

Udruženje se razvrstava za područja djelovanja:

6. KULTURA I UMJETNOST,

7. LJUDSKA PRAVA,

8. SARDNJA I

9. OBRAZOVANJE, NAUKA I ISTRAŽIVANJE.

5. Lica ovlaštena za zastupanje Udruženja u pravnom prometu su:
 - Sanel Jakupović, predsjednik Upravnog odbora Udruženja i
 - Alma Semanić, generalni sekretar Udruženja.
6. Danom upisa u Registar udruženja kod Ministarstva pravde Bosne i Hercegovine, Udruženje stiče svojstvo pravnog lica i ima slobodu djelovanja na cijelom području Bosne i Hercegovine isključivo pod registrovanim nazivom.
7. Ovo Rješenje će se objaviti u „Službenom glasniku BiH“, o trošku podnosioca Zahtjeva i na internetskoj stranici Ministarstva.

O b r a z l o ž e n j e

Osnivači UDRUŽENJE BOSANSKI KULTURNI CENTAR U PRIJEDORU podnijeli su 23.07.2019. godine Zahtjev za upis u Registar udruženja kod Ministarstva pravde Bosne i Hercegovine.

U toku postupka registracije, Ministarstvo je utvrdilo da Zahtjev nije potpun, te da sadrži nedostatke i nepravilnosti zbog kojih nije moguće izvršiti registraciju.

Ministarstvo je aktom broj: UP09-07-1-1587/19 od 05.08.2019. godine zatražilo ispravku i dopunu Zahtjeva.

Nakon otklanjanja nedostataka podnosilac Zahtjeva je podneskom od 28.08.2019. godine izvršio ispravku Zahtjeva i dostavio sljedeću dokumentaciju: Zapisnik sa Osnivačke sjednice Skupštine UDRUŽENJE BOSANSKI KULTURNI CENTAR U PRIJEDORU od 21.07.2019. godine; Odluku o osnivanju Udruženja broj: BKC – OS – 01/19 od 21.07.2019. godine; Odluku broj: UO-01-07/19 od 01.07.2019. godine; Izvod iz sudskog registra Osnovnog suda u Prijedoru, Registar udruženja građana i fondacija broj: F-1-19/018 od 19.06.2019. godine; Odluku broj: UO-01-6/19 od 06.06.2019. godine; Izvod iz Registra udruženja Ministarstva pravde Bosne i Hercegovine broj: UP09-07-3-1300/19 od 11.06.2019. godine; Odluku broj: 01-07/2019 od 04.07.2019. godine; Izvod iz sudskog registra Osnovnog suda u Prijedoru, Registar udruženja građana i fondacija broj: F-1-15/018 od 26.06.2019. godine; Odluku broj: 02/2019 od 10.06.2019. godine; Izvadak iz Registra udruženja Unsko-sanskog kantona, Ministarstva pravosuđa i uprave broj: 07-05-6907-2/19 od 20.06.2019. godine; Odluku broj: 02-06/19 od 02.06.2019. godine; Izvadak iz Registra udruženja Unsko-sanskog kantona, Ministarstva pravosuđa i uprave broj: 07-05-6907-2/19 od 20.06.2019. godine; Odluku broj: 01-6/19 od 02.06.2019. godine; Izvadak iz Registra udruženja Unsko-sanskog kantona, Ministarstva pravosuđa i uprave broj: 07-05-6907-2/19 od 20.06.2019. godine; Odluku broj: 05/19 od 03.07.2019. godine; Izvod iz sudskog registra Osnovnog suda u Prijedoru, Registar udruženja građana i fondacija broj: F-1-35/019 od 27.06.2019. godine; Statut Udruženja broj: BKC – OS – 02/19 od 21.07.2019. godine, u dva primjerka; Odluku o

imenovanju organa upravljanja Udruženjem broj: BKC – OS – 03/19 od 21.07.2019. godine; ovjerene fotokopije ličnih karata i potpisa lica imenovanih za zastupanje Udruženja u pravnom prometu; Odluku o imenovanju generalnog sekretara Udruženja broj: UO-01/19 od 21.07.2019. godine; ovjerenu Izjavu, u skladu sa članom 31f.) Zakona; opis i otisak znaka Udruženja i dokaz o uplati administrativne takse.

Na osnovu činjenica utvrđenih u postupku, proizilazi da su ispunjeni uslovi propisani čl. 8. i 33 Zakona o udruženjima i fondacijama Bosne i Hercegovine i člana 4. Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis UDRUŽENJA BOSANSKI KULTURNI CENTAR U PRIJEDORU u Registar udruženja kod Ministarstva pravde Bosne i Hercegovine. Imajući u vidu prednje navedeno, rješeno je kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis u Registar udruženja, u skladu sa TAR. Brojem 108. Odluke o dopuni tarife administrativnih taksi, („Službeni glasnik BiH“ broj: 73/17).

Pouka o pravnom lijeku:

Protiv ovog Rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog Rješenja.

Dostavljeno:

- Alma Semanić,
Ulica Osmana Džafića broj 66, 79101 Prijedor,
(za UDRUŽENJE BOSANSKI KULTURNI
CENTAR U PRIJEDORU),
i ovjeren tekst Statuta Udruženja
broj: BKC – OS – 02/19 od 21.07.2019. godine
- Zbirka isprava;
- JP NIO “Službeni list BiH”.

